

梁山縣志卷之一

加知州銜知梁山縣事

文符永培纂輯

鐵增修

星野

志乘首列星野卽史家之天文志也易曰觀乎天文以察時變堯典命羲和欽若昊天歷象日月星辰周禮馮相氏掌二十八星之位保章氏以星辨九州之地按在天一度或謂統地二千五百餘里或謂三千九百餘里晉天文志云自軫十七度至張十八度爲鶉首之次於辰爲未宋史云益梓利夔四路乃天文井鬼之分明史

梁山縣志


卷一

星野

一

云四川合州參分餘皆井鬼分無入參之說春秋元命苞云軫星散爲荊州文獻通考云兼參之宿亦秦之分野又得楚之交四川通志云夔州府地入翼軫分野一云翼軫全屬湖廣其附近若陝西之漢中興安四川之夔府及貴州之鎮遠黎平思南皆屬焉一云井鬼共三十五度陝西四川雲南貴州諸府皆其所分也竊意星躔之推步難窺而邑境之疆隅有限梁山舊隸夔府星野自應從同茲並列之以備考證

夔州府地入翼軫分野圖



梁山縣志


卷一

星野

二

星歌 翼二十二星太難識上五下五橫著行中心
 六箇恰似張東有六星在何處三三相連張畔附五
 箇黑星翼下頭欲知名字是東甌軫四星似張翼相
 近中央一箇長沙子左轄右轄附兩星軍門兩黃近
 翼是門下四箇土司空門東七烏青邨子青邨之下
 名器府器府之星三十二

軫張分野圖




張宿

梁山縣志

參宿分野圖

卷一 星野

三



5

劉仕偉曰天文志夔州領一州十二縣翼軫分野
 梁山在萬新之間翼宿二十二翼如飛勢上下五
 三層中元氣為天子樂府軫宿四如口天之四輔
 司車騎風雨二宿近太微垣忠州向隸重慶領三
 州十七縣井鬼分野忠州在梁山之西南僅百餘
 里井八宿司水法鬼宿四為天目忠梁應在翼鬼
 之間


梁山縣志

卷一 星野

直隸忠州井鬼分野圖



羊金鬼



天紀



梁山縣志

卷一 星野

五

按梁山舊屬夔府今隸忠州翼軫井鬼之間於彼於
 此知其必有合也故備書其圖

建置沿革

皇極經世書云禹湯文武皆聖人也其道則同不得不因其時則異不得不草歷代之建置有不同所損益可知也蓋封建廢而郡縣設理勢固相因矣梁邑自漢以來為州為軍或置或省或併或分按籍以稽益見地不易民而治登熙皞皆藉此體國經野之良法云

梁山兩漢胸臆縣地也

按漢書地理志巴郡胸臆蓋今夔州府雲陽萬縣開縣及

梁山縣地胸顏師古注音劬後漢書郡國志同殆誤也胸臆也其俱反字既從句與地名何干說文新附字作胸臆注胸臆名蚩蚩也夔州地下濕多此蟲遂以為名後漢書吳漢傳注引十三州志胸音春

梁山縣志

卷一

建置沿革

六

臆音閏通典亦作胸臆胸音如順切臆如尹切讀閏蠡此音得之矣而字作胸則因漢志而誤也當从旬乃叶閏字之音又馮元成以胸臆為蟀云兩字皆從月是物月之精旁句恐者月如勾如刀環而是物生也按字書皆从肉不从月穿鑿無稽

西魏分置梁山縣屬萬川郡

後周天和二年分置梁山縣屬巴東郡

隋屬信州

唐初屬南浦州後改屬萬州

宋開寶二年以萬州丕氏屯田務置梁山軍同下州

亦曰高粱郡因割梁山縣隸焉熙寧五年又析忠州

桂溪地益軍元祐元年還隸萬州尋復舊

元豐戶一萬二千二

百七十七

元初曰梁山軍至元二十年升為州皆治此

明洪武七年省州入梁山縣編戶一十一里屬夔州府

國朝因之編戶三里其改隸直隸忠州也自雍正十二年始

梁山與新寧舊不相屬也自明洪武四年以新寧縣省入梁山十四年復置縣編戶七里我

梁山縣志

卷一

建置沿革

七

朝康熙六年奉文為推廣小縣歸併等事案內裁併梁邑其錢糧戶口聽梁山縣催徵解納至雍正七年十一月內奉文復設縣仍以其地隸新寧屬夔州府十二年改隸達州故志中不備載

疆域

禹貢兗州以濟河青州曰海岱爲疆域之分所由昉乎其在夏官形方氏掌制邦國之地而正其封疆固以分疆履域與職方所司井邑邛縣相表裏焉

聖世光天之下六合一家陳常時夏無此疆爾界大一統也顧無分民有分土守土者職有專司是區域其甚重矣蓋橫縱正隅地之有界如農之有畔脊固封守以庶幾周官職形之遺意云

縣在忠州北一百里東西距一百六十里南北距八

梁山縣志

卷一

疆域

八

十里

東一百五里至分水舖交夔州府萬縣界

西一百五里至界牌交墊江界

南五十五里至斗母坎交忠州界

北四十五里至普安橋交綏定府屬新寧縣界

東南至萬縣界一百里

西南至墊江縣界八十里

東北至新寧縣界三十里

西北至大竹縣界石橋舖一百一十里由石橋舖大

竹縣赴成都省城由川北一千二百里由川東一千
七百里至

京師五千五百里

梁山縣志

卷一

疆域

九

形勝

國家玉帛車書會歸有極

王道蕩平之世何取山河四塞之談哉但周官九州之圖司險是掌凡山林川澤之阻咸周知之所以順地利而輯民生也梁邑扶輿磅礴之氣醞釀宏深其修衍險塞在所必書者亦欲覘畫郊奠壤之宜爾

梁山介夔子之間 圖經記

前涪後峽 劉煥題名序記

夔子咽喉 續題名記

梁山縣志

卷一

形勝

十

東連白兔西枕赤牛 通志

風俗

記曰移風易俗天下皆寧漢書地理志曰凡民函五常之性而其剛柔緩急聲音不同係水土之風氣故謂之風好惡取舍動靜隨君王之情欲故謂之俗明乎風俗之貞邪而治化之得失可知矣長民者原其始乘勢以利導之防其終教化以整齊之涼薄可致敦龐也梁邑風俗載在通志信而非虛迄今喪葬婚嫁一切崇尚儉樸云

吉凶相助周恤可風

劉煥題名記

梁山縣志

卷一

風俗

七

人多勁勇士篤儒風稻田繁膳民力于農

通志

婚娶自幼許定憑媒用彩燭為禮不論財物

附 草喪葬舊俗約

裂布作樂設宴三事

明 來知德

古人制禮有吉凶焉吉凶異道不得相干者取之陰陽皆稱情而立文也送終乃禮之大古之聖人制禮甚嚴凡容體聲音言語飲食居處衣服皆有一定之制昭昭垂之於經所以厚風俗益世教者不淺漢去古未遠居喪使婢在側丸藥即終身黜落隋煬帝可謂古今之元惡矣居喪亦不敢公然食肉至宋儒有

欲以酒飲人者乃曰既不能以禮自處又不能以禮處人則宋世守先王之禮教者亦嚴洪武戊申年御史高元侃言京師猶習元俗喪葬設宴作樂娛屍流俗之壞至此已甚京師天下之本四方之所祖倣況送終尤禮之大者不可不謹乞禁止以厚風俗上是其言卽命禮官定制今載之大明律中十惡一日不孝內有居喪作樂之條八議所不赦梁山去京師乃爲遐方二百年來猶習元俗某舊時居喪雖盡草其習但不才涼德豈能化於鄉人今之鄉人雖依某草

梁山縣志

卷一 風俗

三

其浮靡然猶剪麻布散弔客名爲孝帛親方死卽鳴金鼓弔客來卽設酒誼譁如賀客然甚至強孝子飲酒者乃揚言云父母是老死飲酒無害此風俗之至惡者也殊不知斬衰齊衰大功小功總麻之縷各有精粗今不論精粗而亂加人之首若以此布爲貴與又何士大夫家官長來弔不敢以此布加官長之首而止敢加於鄉人則此布又賤矣梁山麻布一尺所值銀不過四釐在主人以長短爲厚薄在客以長短爲喜怒其可笑至此殊不知羔裘元冠禮不可弔自

馬素車弔客當然而主人反以素布加弔客之首何哉蓋猶沿元人尺布裹頭之舊此孝帕所當草者一也酒所以合歡禮父母死三日不舉火人子三日不食齊衰二日不食大功一日不食小功總麻再不食斬衰之喪既殯食粥齊衰之喪蔬食水飲不食菜果大功之喪不食醯醬小功總麻不食醴酒來弔之客非大功則小功非小功則總麻菜果醯醬醴酒皆不敢食又敢飲主人之酒乎至於凡民無服之喪有匍匐之義亦不忍飲酒在主人三日不舉火不能設酒

梁山縣志

卷一

風俗

三

在弔客不敢飲酒若公然飲酒正宋儒所謂既不能以禮自處又不能以禮處人也此飲酒食肉所當草者一也樂者樂也先王所以飾喜也樂必發於聲音以其喜也禮斬衰之喪唯而不對齊衰之喪對而不言大功之喪言而不議小功之喪議而不及樂故隣有喪春不相者謂其喧鬧而樂也有小功之喪者且議論而不及樂事况父母之喪可以喧鬧而用金鼓之樂乎且聞樂不樂聖人有明訓居喪用樂皇祖有大法今不遵聖人之教違祖宗之法而甘爲十惡夫

罪之人乎此鼓樂所當革者一也蓋蓼蟲不知其辛
鮑魚之肆久而不知其臭行禮而不自知其非舊習
然也傳曰挾泰山以超北海曰不能是誠不能也今
不費已之財不廢先王之教乃折枝之類也某願同
鄉以折枝而行之昔蘧伯玉恥獨爲君子因書此約
與吾鄉之人共爲君子以成美俗

梁山縣志

卷一

風俗

古

氣候 歲時

虞書命羲和敬授人時至呂氏始著十二月紀厥後歷家乃分二十四氣析七十二候此統天下言之耳蜀地自昔爲梁州域冬無嚴寒夏無酷暑川東大約相同陰陽和而節序正時序所以覘氣候也故風吹南北而知不競月離于畢而卜滂沱善言天者必有驗於人觀夫梁邑之民耕田鑿井歲稔時和熙熙焉臻鼓腹含哺之象猗歟休哉

元旦夙興少長咸集祀先禮神卑幼拜尊長爆竹之

梁山縣志

卷一

氣候

五

聲自子達曙不止兒童輩鳴鉦擊鼓謂之鬧年宵出造親友之家謂之拜年家設茶菓蒸糕以待客至茶畢卽留飲酒

迎春日扮演彩亭出東郊迎春神會合天干地支紮畫土牛城鄉老幼競看土牛以徵豐年

人日前後親隣遠相邀飲日年酒多者至月餘上元張燈辦龍獅人物各種鼓樂喧闐達旦燈所過處皆助以硫星爆竹亦有以燭贈者庶士嬉遊會飲行樂大約數日之間火樹烟花在在映帶

二月三日相傳梓潼帝君誕辰讀書者集友祝神設宴曰文昌會

清明寒食前後祀其祖先祭掃墳墓亦有各省義會置備祭品挂紙錢于無祀野墳

按畧廟祀盛野祭歐陽五代史之所以譏也然周禮塚人云凡祭于墓尸而左傳亦云有適伊川而祭於野者據唐元宗詔曰寒食上墓禮經無聞近代相承浸以成俗士庶有不合廟祭者何以展孝思宜許上墓今俗用新歲寒食十月朔三次拜墳

梁山縣志

卷一

氣候

六

相習成風猶存木本水源之意

五月五日饜角黍親戚相饋遺書朱符曰辟邪戶皆插桃艾午時則以菖蒲雄黃大蒜泛酒房室皆以酒洒之云辟蛇虫因邑無河行舟或于城外東溪堰用木板爲舟往來行樂亦云競渡

五月十三日關帝勝會士庶敬謹慶祝

六月六日爲天貺節曝衣服書帙於庭以免黴虫是日雙桂堂通翻藏經

六月二十四日川主誕辰士庶慶祝

七月七日曰七夕女子間有祀織女穿針乞巧者
中元俗稱七月半以紙錢作包祀先名曰燒袱子

按荆楚歲時記七月十五日僧尼道俗悉營盆作
盂蘭盆會其說見道藏正一旨要諸書蓋昉於漢
武上元之祠太乙後有道人杜氏者盡倣釋氏書
而爲之藏乃有賜福赦罪解厄之名而中元下元
之祀與上元相埒唐六典中尙署七月望日進孟
蘭盆代宗幸章敬寺賜孟蘭盆爵不空爲國公楊
炯有孟蘭盆賦翻譯名義孟蘭西域之語轉本云

梁山縣志

卷一

氣候

七

烏藍此翻救倒懸盆是貯食之器三藏云盆羅百
味式供三尊仰大衆之恩光救倒懸之倉急宋之
開寶亦惟中元爲尙謂其官屬地鬼神幽冥之事
得以至之凡仁人君子不忘其祖父與惻然于庶
類者咸祀之以徼福

中秋俗以月餅相饋遺是夕人家有賞月之宴送瓜
宴飲之樂

重陽登高啖花糕酌菊酒

臘月二十三兩日掃舍宇夜祀竈相傳竈神是日

上天奏人間善惡事故禱之

除夕易門神作春帖用猪首雞魚祀祖先迎竈神放爆竹少長團聚酌酒謂之守歲

梁山縣志

卷一

氣候

六

城池

我

國家德敷八表化洽萬邦衆志成城勝於金湯之固奚待實墉實壑乃咏適求厥寧乎然設險列於易象掌固載在周官釋名云城盛也盛受國都也禮記孟秋之月補城郭蓋言役有時焉左傳計丈數揣高卑度厚薄仞溝洫蓋言工有度焉梁城次第經營因時修繕衆志誠孚而捍外衛內保障之道有不容忽者亦綢繆桑土之思也

梁山縣志

卷一

城池

九

邑舊惟土城明成化中知縣吳珏始砌以石正德初參政曹祥重修周圍五里二分計九百五十三丈高一丈八尺爲門四曰樂善曰豐勝曰永樂曰永安明末流寇之變倒塌大半

國朝康熙二十年知縣黃建中奉 文議修未舉行嗣後歷任知縣加增修葺不能如舊制康熙六十一年知縣孫天霖重修東西城樓雍正八年知縣王裕疆復修南北城樓乾隆三十三年知縣徐鼎亨奉 文修築周圍四里二釐二毫七百二十三丈九尺五寸

城墻垛口計一千一百九十七四門各建樓嘉慶三
四年署令方積勸捐補修加高三尺嘉慶五年縣令
范紹泗縣丞關實秀復諭捐建營房八十八間
增咸豐十年邑令王必遵以城垣歷久石蝕城垛甚
低籌款加高修葺用資障蔽工未告竣咸豐十一年
署令田秀粟督工續修時值賊氛逼近鄰封設立城
防局籌款增修

自東門至南門空心礮臺五座

大小石心礮臺六座

梁山縣志

卷一

城池

增一接十九

右邊盤查房一連三間

左邊管帶房三間

白牆營房九間

紅牆營房三間

火鑄營房十一間

木架營房十一間

自南門至西門空心礮臺五座

大小石心礮臺十三座

右邊圍總房一間

盤查房二間

水洞房一間

白牆營房十間

紅牆營房六間

火罇營房十二間

木架營房二間

自西門至北門空心礮臺四間

伏石心礮臺四座

巡查房一間

管帶房二間

白牆營房十三間

紅牆營房二間

火罇營房四間

木架營房八間

自北門至東門空心礮臺四座

梁山縣志

卷一

城池

增二

伏石心礮臺十座

管帶房三間

北

管帶房三間

東

水洞房三間

白牆營房六間

紅牆營房十間

火罇營房一間

木架營房十九間

縣署後正陽山與城垣連接其最高處建四照樓層檐高聳四壁空明登眺之餘萬山環拱城郭歷歷在目而西北面田野平曠尤能及遠並鑄大礮一置樓

前一置山右上可瞰賊下可禦賊自咸豐十一年至同治元年周藍曹郭朱張各逆屢犯梁城均經擊敗賴以保危城焉

新修四照樓碑記

邑令田秀粟子實

夫燭之明能照物鏡之朗能照人人之目則明於燭朗於鏡者也而人心之明且朗尤能瑩鑑萬類其所照又當何如余蒞茲土適當軍務紛乘愧心之不明恐照之或蔽特建斯樓顏曰四照日與賓僚列坐其間憑欄四顧見夫烟火萬家屋椽疊錯垣墉百堵兵

梁山縣志

卷一

城池

增三

衛森嚴俯矚民情隱無不徹遙窺賊壘微無不彰因與僚友輩殫精竭慮殷勤擘畫或借箸而籌或挾策以獻無非念民瘼恤民艱悍民患顯微闡幽遂覺此心之畢照矣且目所能及者照之以目目所不能及者照之以心由是東望吳楚欲寇盜胥平也西望秦雍欲兵戈盡息也南望黔滇欲烽烟無警也北望京華欲金甌永奠也區區寸枕實期昇平有象仰見糺縵星雲則東西南朔之赤子羣遊於光天化日中矣豈不懿哉若於山亭翠聳極烟雲四面之觀水

榭風涼任翔鱗四圍之集雕鐫風月嘯噉林泉則逸
士騷人之事非居官者之所宜也余不敏竊體公生
明之訓且冀後之撫斯邑登斯樓者其心咸明於燭
朗於鏡而照無不周云是爲記

梁山縣志

卷一

城池

增四

場鎮

古者日中爲市周禮凡國野之道十里有廬三十里有宿五十里有市又太宰以九職任萬民六曰商賈阜通貨財分地而經市管子云處農必就田野處商必就市井市井者場鎮也利之所在人必趨之聚民間日用之需入市交易謂之趕場各有定期辰集午散蓋猶河北之謂集嶺南之謂墟中原之謂務也

葫蘆埧 縣東六十里

按埧音霸 字典作壩所以瀦水因水勢高下處

梁山縣志

卷一 場鎮

三

直瀉易涸則發石爲埧以蓄焉蜀人於村落謂之埧黃庭堅詩君家冰茄白銀色殊勝埧裏紫彭亨
卽此埧字俗作埧非埧音具

曲水場 縣東八十里

柏家場 縣東六十里

聚寶場 縣東九十里

石家場 縣東九十里

分水場 縣東一百里

仁和場 縣南二十五里

石柱坪 縣南四十里

觀音場 縣南五十里

耙子坵 縣南九十里

馬家場 縣南四十五里

沙了場 縣南七十里

麻柳場 縣南八十里

沙河舖 縣西三十里

老營場 縣西四十五里

黃土坎 縣西五十五里

梁山縣志

卷一

場鎮

雙河場 縣西五十里

平井舖 縣西七十里

廻龍場 縣西九十里

袁埧驛 縣西九十里

石礮舖 縣西一百十里

虎城場 縣北一百十里

露斯場 縣北五十里

舊名螺螄場

楊家場 縣北四十里

土門場 縣北五十里

新塲 縣北六十里

永興塲 縣北六十五里 新起

按通志所載縣西南二十里之杏市鎮西北四十

里之虎溪鎮 舊設巡司今廢 西十五里之牛頭寨 即赤牛城遺址

猶存 東五十里之峽石市東北之豆山關北七十里

之銅關鎮東一百里之正陽寨與縣界之方城郭

家等寨皆關隘之著名往時者又查得東路如獅

子寨螺子城佛印山南路如金城寨黃城寨相公

寨七斗寨滑石寨香爐寨西路如碧山寨貓兒山

梁山縣志

卷一

塲鎮

三

大高峰寨黃猫寨帽都寨觀音寨虎城寨 係小路

路如樂都寨壓白寨太白頂小高峰寨成全寨似

亦當備紀也若近年因邪匪滋擾各處設寨則一

時權宜之計耳嘉慶九年奉 文裁撤

街坊

著一城之勝者有街巷焉或縱之或橫之四達不悖利有攸往各以遠近大小多寡爲差于度地居民參相得之遺意庶有合乎至荀子云行有坊表殆坊表二字所由始歟然其義本諸書畢命表厥宅里樹之風聲也雖各屬乎一家實有關於闔邑因以昭人傑地靈之盛或先達發名成業或婦女援例旌廬足令觀者胥克用勸云

縣前至東街出萬壽宮通葫蘆垠萬縣大道

梁山縣志

卷一 街坊

三

縣前至興隆街大公館出南門通菩薩頂太平壇

縣前暗橋小丁字街四牌樓至大丁字街出西門外

踏泥橋由頂堰橋通沙河舖川東川北大道大丁字街右至貞節坊出北門外戴家橋右走煤炭街通露斯場新開兩縣大道出新街通土門場楊家嘴虎城場大竹達縣等處

承流坊 治東

宣化坊 治西

文奎坊 爲劉志榮建

冲霄坊 爲張文質建

雲梯坊 爲李文建

飛騰坊 爲曾希賢建

青雲坊 爲胡福海建

文壁坊 爲黃昱建

掇英坊 爲郭毅建

步蟾坊 爲黃政建

雲程坊 爲周信建

登瀛坊 爲張勉建

梁山縣志

卷一 街坊

登榮坊 爲徐文斌建

攀桂坊 爲李默建

折桂坊 爲梅先建

錦標坊 爲黃鎔建

拔秀坊 爲胡高建

鵬程萬里坊 爲熊必榮建

一鶚橫秋坊 爲張敬建

鳴鳳朝陽坊 爲吳思榮建

寵沐恩光坊 爲古書第建

金壁輝騰坊 爲楊褒建

黃甲開先坊 隆慶中知縣莊相爲戶部主事古之

賢建

聘君仁里坊 爲來知德建

理學名儒坊 爲來知德建

今之夔龍坊 爲天啟甲子科舉人涂原建

進士坊 爲涂有祐建

進士坊 爲高射斗建

移峯山坊 縣西五里乾隆庚午 和碩莊親王題

梁山縣志

卷一 街坊

三

東山勝景坊

白兔亭坊 崇禎丁丑知縣朱祚宏建

衣鉢流芳坊 爲破山禪師建

六天首憲坊 城隍祠貢生王國典建

乾坤正氣坊 爲孝子李資孝建

孝思維則坊 爲孝子葉宗藩建

貞德象賢坊 爲節婦戴氏建

匪石盟心坊 爲涂張氏建

貞節坊 爲古東野氏建

西來覺路坊 明萬曆時古 建于治東三台山

清操雪玉坊 為扈詩之妻周氏建

正氣流芳坊 為吳良柱之妻秦氏建

貞烈坊 為趙烈女建

貞節坊 為來李氏建

貞節坊 為馮之銓妻涂氏建

節操冰霜坊 為曾述聖之妻蔣氏建

柏操松筠坊 為魏國柱之妻王氏建

坤維正氣坊 為姚志學之妻陳氏建

梁山縣志

卷一

街坊

七

畫荻遺徽坊 為歐陽德明之妻生員歐陽袞之母

郭氏建

節範高梁坊 為秦錫爵之妻游氏建

勁節遐齡坊 為涂永才之妻劉氏建

貞德凝輝坊 為監生李東表之妻龔氏建

兩間正氣坊 為秦宏道之妻謝氏建

節孝兼全坊 為周劉氏建

貞壽之門坊 為監生董文慧之母王氏百歲建

貞節坊 為生員刁文開之妻游氏建

貞節坊

為曾三賢之妻賴氏建

矢志貞操坊

為監生李德濬之妻曾氏建

五世一堂坊

為壽婦畢胡氏建

貞壽之門坊

為廩生溫于濬之母劉氏百歲建

昇平人瑞坊

為武生方萬春之父志緒百歲建

翰林坊

為彭省非建

永雪盟心坊

為劉王氏建

增

忠義坊

為咸豐十一年同治元年陣亡徇難紳團

兵勇建在治東土橋子

梁山縣志

卷一

街坊

增一接二十七

貞烈坊

為咸豐十一年同治元年徇難婦女建在

治東土橋子

附

忠義坊對聯

義膽忠肝奇男子鬚眉欲活

威聲武烈大丈夫姓字留名

貞烈坊對聯

名播千秋女子竟超男子節

芳流百世活人不及死人香

津梁

說文津水渡也橋水梁也爾雅析木謂之津梁石橋也石杠謂之猗亦石橋也夏令曰十月成梁周語水涸而成梁孟子以此首為政焉至秦昭王初作河橋乃以梁為橋矣茲邑地處偏隅每當河分岡斷勢難飛越必有杠梁以利涉不至褰裳莫渡濡軌堪虞其斯為經久之圖乎

暗礮 縣前

長壽橋 縣東邑人戴友時建

梁山縣志

卷一

津梁

飛仙橋 縣東樂善門外相傳張下飛昇於此

觀音橋 縣東四里

永鎮橋 縣東五里

蟠龍橋 縣東二十八里

賴公橋 縣東署典史賴作樑修

永濟橋 縣東四十里

銀河橋 縣東四十五里接蟠龍溪水迤邐南流月

夜望之如銀河故名

營山李以寧銀河橋詩行人趁朔風石道架飛虹

愛此溪如畫翻憐路不窮水流深澗底樹密曉烟
中蜀道艱難甚銀河許乍通

龍灘橋 小東路十五里

騎龍橋 小東路四十里

化龍橋 學前明成化中知縣毛榮建

桂溪橋 武廟前舊有魁星閣成化間知縣花馨建

文昌橋 南城內

神仙橋 縣西三里 舊名踏泥橋

觀音橋 縣西二十五里邑人湖廣靖州知州李松

梁山縣志

卷一

津梁

三

建

頂堰橋 縣西五里邑令毛榮建

福德橋 縣西十五里邑令孫讓建

朱家橋 縣西六十里

沙河橋 縣西三十里

登瀛橋 縣西四十里

七間橋 縣西六十里邑人李光祖建

古家橋 縣南十五里

張姓橋 縣小南路十五里

雙石橋 縣小南路三十里

熊家橋 縣小南路三十二里

鷺拱橋 縣小南路四十四里

碧潭橋 縣西北十五里載明統志

福果橋 縣西北三十里

古家橋 縣西北四十里

惠民橋 縣北門外舊名戴家橋

萬石橋 縣北三里

扈家橋 縣北三里主簿扈子賢建

梁山縣志

卷一 津梁

一德橋 縣西三十五里監生熊鑑建

帶水橋 縣西十五里貢生馮錦建

張生橋 縣北十里

送水橋 縣北三十里

萬古橋 縣北四十里

朝陽橋 縣東二里

八仙橋 縣西南六十里三箭灘

銅鼓橋 縣西北百里